



SAKSPAPIR

Saksnr	Utval	Type	Dato
16/2021	Administrasjonsutvalet	PS	30.11.2021
24/2021	Levekårsutvalet	PS	07.12.2021
19/2021	Eldrerådet	PS	01.12.2021
11/2021	Råd for menneske med nedsett funksjonsevne	PS	08.12.2021

Sakshandsamar	Arkiv	ArkivsakID
Lin Tove Thomassen	FE-151	21/1011

FRAMLEGG TIL BUDSJETT - UTTALE

Vedlegg:

Melding om vedtak - Formannskapet si innstilling til kommunestyret
ØKONOMIPLAN 2022-2025 OG BUDSJETT 2022 FOR VAKSDAL KOMMUNE - KOMMUNEDIREKTØREN
SITT FRAMLEGG (L)(250453)
Økonomiplan 2022-2025 og Budsjett 2022 Vaksdal Kommune - kommunedirektøren sitt forslag
Gebyrregulativ for vass- og avløpstenestene i Vaksdal kommune i 2022
Budsjettforslag 2022 - frå SV,Sp, Høgre og Frp
Endringsforslag Budsjett 2022 frå Ap

Kommunedirektøren sitt framlegg til vedtak:

Alternativ 1

Utvalet/rådet gjev følgjande uttale til Budsjett 2022: _____

Alternativ 2

Utvalet/rådet tek saka til orientering.

Administrasjonsutvalet - Sak 16/2021

ADM - Behandling:

På vegne av fagforbundet la Margrethe Kydland fram følgjande tilleggsforslag:

Administrasjonsutvalet understreker at det er viktig at arbeidstakarorganisasjonane blir involvert så tidleg som mogleg ved omorganisering eller andre tiltak som følge av budsjettet.
Administrasjonsutvalet meiner at ingen skal seiast opp som følge av innsparingar eller

omorganisering.

Thor Andersen, Ap gikk gjennom Arbeidarpartiet sitt tilleggssforslag for budsjett 2022. Endingsforslaget var ikkje endeleg og det vil bli justeringar før det vert lagt fram for kommunestyret 14. desember.

På vegner av SV, Høgre og Frp la Erlend Hesjedal- Johannessen fram følgjande tilleggssforslag:

Administrasjonsutvalet understreker at det er viktig at arbeidstakarorganisasjonane blir involvert så tidleg som mogleg ved omorganisering eller andre tiltak som følge av budsjettet. Administrasjonsutvalet meiner at ingen skal seiast opp som følge av innsparingar eller omorganisering.

Administrasjonsutvalet tek saka til orientering.

Fagforbundet sitt forslag vart sett opp mot SV,H og Frp sitt forslag til vedtak:

Fagforbundet sitt vedtak fekk 4 stemmer (Thor Andersen, Ap, Heidi Rongved, Ap, Alexandra Nilsen, Fagforbundet, Margrethe Kydland, Fagforbundet) mot fellesforslaget som fekk 4 stemmer (Kjartan Haugsnes, SV, Erlend Hesjedal- Johannessen, H, Trond Olav Magnussen,H, Boris Groth, Frp).

Dersom tal stemmer for dei ulike forslaga er likt, er det møteleiar Kjartan Haugsnes, SV sin stemme som vart avgjerande, jamfør kommunelova § 11-9 og forslaget til SV, H og Frp vart vedteke.

ADM - Tilråding/Vedtak:

Administrasjonsutvalet tel saka til orientering.

Administrasjonsutvalet ber om at arbeidstakarorganisasjonane vert involvert så tidleg som mogleg ved forslag budsjett, omorganisering eller organisasjonsendring. Vaksdal Kommune har som målsetting at ingen skal seiast opp som følgjer av omstillingsprosessar. Eventuell nedbemanning skal først løysast gjennom frivillege avtalar, omplassering til anna arbeid i kommunen eller omskulering - vidareutdanning.

Eldrerådet - Sak 19/2021

ELD - Behandling:

Økonomisjef Kenneth Stokke presenterte kommunedirektøren sitt framlegg til budsjett 2022 samt posisjonen med FRP sitt budsjettforslag og svara på spørsmål.

Eldrerådet drøfta saka og gikk gjennom uttale til budsjett 2022 frå Brukarutvalet for institusjonane. Kommunalsjef Solrun Hauglum orienterte og svara på spørsmål frå rådet.

ELD - Tilråding/Vedtak:

Eldrerådet gir følgjande uttale til Budsjett 2022:

- Eldrerådet ønskjer å få omsorgsbegrepet med att i namnet på tenestekområdet. Forslag: Tenestekområde for helse, meistring og omsorg.

- Eldrerådet støttar uttalen frå Brukarutvalet for institusjonane.
- Eldrerådet ønskjer å auka dagsentertilbodet på Dale, anten ved fleire opningsdagar, ved å tilby plass på Vaksdal, eller ved å samarbeida med frivillige.
- Ein bør unngå å redusera tal nattevakter i heimetenesta, både med tanke på tilbodet til brukarane og tryggheta for dei tilsette.
- Avbestilling av middag for heimebuande bør kunne gjerast seinast ei veke før levering, og ved sjukehusinnlegging må ein melda frå så raskt som råd. Setninga "Det vert ikkje gitt frådrag for opphald på sjukehus og liknande" bør strykast.
- Eldrerådet ber kommunen ha fokus på aldersvenleg samfunn og på bygging av aldersvenlege bustadar.

Levekårsutvalet - Sak 24/2021

LEV - Behandling:

Kommunalsjef for Helse og Meistring Solrun Hauglum orienterte om framlagt budsjett for sitt tenesteområde.

Kommunalsjef for oppvekst og kultur Ann Kristin Bolstad orienterte om framlagt budsjett for sitt tenesteområde.

På vegne av SV,Sp og Høgre la Line Kydland, SV fram følgjande:

Opningstider og kvalitet i barnehagane i Vaksdal.

Vaksdal kommune er ein stor pendlarkommune, 50 % eller omlag 870 av dei som bur i Vaksdal pendlar ut av kommunen kvar dag. Til samanlikning er det omlag 1300 som pendlar ut kvar dag frå Voss. 12. desember 2021 endrar VY rutetidene for de viktigaste pendlartoga på Vossebanen. Dette kan gjere kvardagen meir utfordrande for våre innbyggjarar, der ein eller begge pendlar til Bergen.

Med dette som bakteppe ønskjer Sp, SV og Høgre i Levekårsutvalet presisere følgjande i høve budsjettframlegget frå partia slik det ligg føre:

1. Det er avsett midlar til ein (1) heil stilling i barnehage. Denne vert gjort permanent.
2. Kommunen skal kartlegge trong for utvida opningstid frå kl. 17.00 til 17.15 i ein (1) barnehage i 2022.
3. Utvida opningstid vert eventuelt innført frå nytt barnehageår, august 2022.
4. Levekårsutvalet ber om at ein i 2022 får ei utgreiing om korleis bemanning, bornegrupper, og krav frå staten, vert handsama i barnehagane våre og om bemanning vi har i dag er stor nok/bornegruppene små nok til å stette krava i lovverket.

Kommunedirektøren sitt alternativ 1 med fellesforslaget sine 4 punkt vart sett opp mot kommunedirektøren sitt alternativ 2 som var å ta saka til orientering.

Alternativ 1 med fellesforslag vart vedteken med 5 stemmer (Line Kydland, Line Eide Vik, Trond Olav Magnussen, Evy Kvamme, Amalie Johnsen Lunde) mot 2 stemmer (Ole Anders Brekklus, Lisa Johnsen Lunde) for alternativ 2.

LEV - Tilråding/Vedtak:**Utvalet gjev følgjande uttale til Budsjett 2022:**

1. Det er avsett midlar til ein (1) heil stilling i barnehage. Denne vert gjort permanent.
2. Kommunen skal kartlegge trong for utvida opningstid frå kl. 17.00 til 17.15 i ein (1) barnehage i 2022.
3. Utvida opningstid vert eventuelt innført frå nytt barnehageår, august 2022.
4. Levekårsutvalet ber om at ein i 2022 får ei utgreiing om korleis bemanning, bornegrupper, og krav frå staten, vert handsama i barnehagane våre og om bemanning vi har i dag er stor nok/bornegruppene små nok til å stette krava i lovverket.

Råd for menneske med nedsett funksjonsevne - Sak 11/2021**RFF - Behandling:**

Økonomisjef Kenneth Stokke orienterte i saka og svara på spørsmål.

RFF - Tilråding/Vedtak:

Råd for menneske med nedsett funksjonsevne tek saka til orientering og støttar søknaden til AO-senteret om ekstra midlar på kr. 200.000 til arbeid med ny logo, profilering og marknadsføring i samband med namneendring.

Saksopplysningar:

Formannskapet si tilråding til budsjett for 2022 er ute til offentleg ettersyn frå 24.11.20. Dokumenta vert med dette oversendt til utvalet/rådet for uttale

Formannskapet si tilråding frå møte 23.11.21, sak 92/2021 er lagt ved saka. Under vedtaksbehandling signaliserte parti/partigrupper at det vil bli lagt fram alternative framlegg til budsjett direkte i kommunestyremøtet 14.12.21. Dei alternative budsjettframlegga er per i dag ikkje ferdigstilt og ordførar ba kommunedirektøren om å ettersende desse til dei ulike utvala/råda så snart desse er mottekne.

Kommunedirektøren sitt forslag «Økonomiplan 2022-2025 og Budsjett 2022 Vaksdal Kommune» er tilgjengeleg for gjennomlesing på [innsyn](#), saman med [Gebyrregulativ for vass- og avlaupstenestene](#) og [Gebyrregulativ for plan og byggesak](#).